

Drage kolege,

Danas je Međunarodno udruženje tužilaca (IAP) – jedina globalna organizacija s više od 400000 tužilaca iz 172 zemlje - odala priznanje našem Tužilaštvu dodijelivši mu Nagradu za posebna postignuća.

Generalni sekretar IAP-a Han Moraal je predajući nagradu naglasio uspješno procesuiranje mnogih najviših političkih i vojnih vođa odgovornih za zločine počinjene u bivšoj Jugoslaviji od strane Tužilaštva Tribunala, važan doprinos Tužilaštva međunarodnom krivičnom pravu i međunarodnom humanitarnom pravu, kao i doprinos obezbjeđivanju procesuiranja zločina na nacionalnom nivou i nastavku procesa utvrđivanja odgovornosti.

Ova nagrada je prije svega priznanje vama, sadašnjim i bivšim zaposlenima u Tužilaštvu. Uspjeh koji je naše Tužilaštvo ostvarilo tokom svog mandata rezultat je vaše predanosti i izvrsnosti. Došli ste iz više od šezdeset pet različitih zemalja, ostavili ste svoje domove i karijere da biste se borili za žrtve i da počiniocima strašnih zločina privedete pravdi.

Naš posao nikada nije bio lak; bilo da se radilo o borbi za dobivanje pristupa mjestima zločina i arhivama, potjeri za bjeguncima po cijelom Balkanu i šire, ili o godinama neprekidnog rada koji je bio potreban da se u sudnici predoče neki od najsloženijih i najopsežnijih krivičnih predmeta u historiji. Ipak, vi ste uvijek ustrajali. A rezultat vašega rada predstavlja zlatni standard za međunarodnu krivičnu pravdu.

Dok se sve više približavamo okončanju našeg mandata krajem godine, biće mnogo prilika za razmišljanje i sjećanje. Nadam se da će vas ova nagrada, koja predstavlja profesionalno poštovanje i priznanje 172 tužilaštva iz cijelog svijeta, podsjećati na vaše ogromno postignuće i ponos zbog onog što radimo.

Čestitam, i u ime rukovodstva još jednom vam zahvaljujem za sve što ste uradili.

Srdačno,

Serge Brammertz